



Remitido

1) De Freitas a laga sa abiertamente na Tele Aruba cu e kier un cambio den e ruta di carnaval, pero como SAC no kier a scuche el a dicidi di bay notaris y lanta su mes stichting pa bringa SAC legalmente. Aparentemente e mester a lanta su mes un stichting e nomber no ta conoci pero sigur e lo ta den e direccion aki K.A.A.C.S. (Komision Anti Arubaanse Carnaval Stichting)

Nan promer meta ta pa haci algo pa bin den noticia, kico cu ta, loke sea. Ora nan a mira cu den Quo Vadis ta hari Milo Croes a hari nan, nan a pensa ariba un otro cos. Wel de Freitas a yama tur lidernan di grupo, e lo a brain wash nan y awor nos a haya un ruta nobo. De Freitas por bati ariba su pecho di a logra di haci e cambio di mas reducio di historia di nos carnaval. Simplemente pasobra de Freitas kier mira un poco hende so anto mudo. Tambe de Freitas kier stop Diario cu e premacion di trailernan. Pakico bo no ta yama señor Mansur anto stop e. De Freitas bo sa cu hendenan den Vondellaan ta gasta basta placa cu nan trailer, cu dornamento y lusnan quizas bo ta contra esaki. Si bo no ta gusta pasa den Vondellaan y bo no ta gusta trailernan dorna y premia anto coy bo grupo y keda draai rond di Alhambra anto waak cuanto participante bo lo haya of bay West Punt ayanan tampoco hende lo no molestiabo. Ki bo di alf.

2) Di T.O.T.T. pa Alhambra great. De Freitas unda bo ta kere e 10.000 hendenan cu ta staciona semper den Vondellaan ta pasa e aña aki? Otro hende lo bisa ariba bo lomba, no de Freitas no pabao aya, ey mes dilanti T.O.T.T. bay abao. E lo bira peor, pasobra ta bosh na lo bosh den otro. Kizas baha di hala nan patras? Ya pabao di cas di Gobernador of vecindario lo no tin lugar, bo ta haya Arubus, Taxi's, fruteria, Esso station, Freezone despues pabao aya ariba santo blanco den solo un pida habri Bushiri hotel y otro banda di caminda no tin lugar at all for di cumin-

samento te final. Bo por bisa cu despues di Esso station Ecury ta bo so ta bay abao cu bo body piece. Ningun hende pa apoyabo anto e hora ey bo lo realiza bo estupidez cu bo a comete. Na unda cu si bo bira bay den Wilhelminastraat manera costumber bo ta haya un aire fresco cu ta un alivio grandi pa tur hende cu sa bay den carnaval. Tambe mayoria di hende ta mira parada un vez mas, y lo mas importante ta cu bo ta bay back na unda bo a start. Unda bo auto ta staciona ta warda, unda cu tin un parkeer plaats pa tur auto y trailer na final. Tambe nos kier laga bo sa cu si e parada ta chikito mes ta e hendenan canto di caminda ta duna e participantenan animo cu nan ta luci.

Nos carnaval ta un di mihor di mundo of de Freitas no ta di acuerdo cumi?

3) Ata carnaval a sigui. Atabo na final dilanti Alhambra. Bo a yega bo ta promer of di dos grupo. Awor cuantor, awor pa donde? Bira bay direccion Dividivi Manchebo of Tamarijn hotel. Sigur e hoteleronan lo no permiti esey pasobra esey ta stroba turismo y e taxistanan y e busnan di De Palm Tours of Pelicans. Kizas coy direccion di hospital? Tampoco no por, mester tene caminda habri pa emergencia of ambulance. Atabo ey. Bo sa con e lo bay? Lo tin un of varios agente policial ta wardabo pabao aya anto nan lo dirigibo mas pabao sigui straight pasa IOWUA bay bira pa sali den Dubali bin ariba pa asina bo yega na bo auto banda di mey anochi. Of kizas de Freitas tin otro solucion? Atabo ey banda dilanti di Alhambra cu bo body piece tur cansa ata bo cu bo carosa ta pushando. Boso de Freitas mi no kier mira ey banda pa su mañan. Pero e sugerencia estúpido di marca mayor ta pa cambia e fecha di carnaval. Con e otro lidernan di grupo por apoya un peticion asina ta incomprendible. Carnaval no por worde cambia. Tende bon! No por. E temporada entre 6 Januari y shrove Tuesday yama carnaval. Carnaval kier meen, nos ta

yama carni ayo pasobra cu cuaresma ta cuminsa. Carnaval ta un fiesta cristian. Na Roma e fiesta ta worde celebra di 6 Januari te cu un siman promer cu Diarazon di shinishi, pero e Francesnan ta sigui te e Diamars mescos cu esun famoso cu yama mardigras. Y asina ta na Brazil, Trinidad, Sint Maarten no ta celebra carnaval. Nan ta festeha tema di carnaval pero no ta carnaval. Carnaval ta entre Januari y Diarazon di shinishi. Cu otro palabra no ta SAC of

Milo Croes a pone fecha ta un fiesta cristian e ta y nos na Aruba tambe ta celebre anto na nivel halto. Kico ta pasa rond den bo cabez. Bo ta critica cu SAC ta warda te ultimo pa traha programa. Y abo bo ta warda te ora e sali

pa bo bisa algo. Cu otro palabra ta cos cu bo a pensa awor sin studia. Wel SAC a duna bo un reunion y a bay di acuerdo cu un peticion y, desaster. Cuidao bo haya e titulo: Master of desaster '88 of

kizas bo kier bira president di SAC. Kico ta pasa cu e stichting nobo KAACS. De Freitas si bo ta odia e hendenan den Vondellaan, si bo no gusta trailernan dorna wel pasa otro hende e grupo y hala un banda pasobra no tin SAC cu Milo Croes na cabez ya pa 20 aña caba. Por algo sera. Y lo importante ta cu Dios ta proteha nos carnaval pa ningun hende cu mente of balance tuma over.

Roy Croes, Santa Cruz 104.

Jesus di Stsmo sacramento

"Ami ta e pan bibo cu a baha for di cielo. Esun cu come di e pan aki lo biba eternamente. E pan cu mi lo duna ta mi carni pa mundo por haya biba". (Juan 6:51)

Esakinan no ta palabranan simbolico pero Hesus kier pa su siguidornan di berdad bira yiunan di Dios. Nos carni mester bira carni di Cristo y nos sanger su sanger, pa nos por ta yiunan di Dios di berdad.

Dios no kier pa nos bira su yiunan pa nomber so, pero manera San Pablo ta splica; "boso ta berdaderamente yiunan, pasobra Dios a manda den boso curazon spiritu di su yiu cu ta clama: Tata (Galat. 4:6). Hesus mes a bisa tambe: esun cu come mi carni y bebe mi sanger lo keda den mi y ami den dje. (Juan 6:56). E anochi cu el a keda traiciona Hesus a tuma pan y despues di a duna gracias a kibre bisando: "Esaki ta mi culpa pa boso. Haci esaki na mi recuerdo". Despues el a tuma e copa bisando: "E copa aki ta e aliansa nobo den mi sanger. Cada vez cu boso bebe hacie na mi memoria" (1 Corint 11:23-33). Den e misterio aki Hesus ta e lamchi di Dios sacrifica menciona pa Juan Bautista y ripiti pa Hesus mes den apoc. 5:6. Anto ta carni di e lamchi di Dios e todopoderoso ta invita nos pa come, e cu ta creador di tur cos! Hesus no ta un lamchi simbolicamente sino e lo no a bisa "Come mi carni".

Hesus a pensa padilanti

pa inventa un sistema pa e duna nos e sacramento aki. "E pan cu lo mi duna ta mi carni pa mundo haya bida". Nos ta yama e sis-

tema aki Sta. Comunión, den cual e pan consagra ta bira e carni di e lamchi divino. Esaki ta sosode segun e voluntad di Hesus cu kier duna mundo pan di cielo pa come (Juan 6:31-

58). Anto pa pone echo tras di su palabranan el a institui e sacramento den cual e lo ta presente te na fin di mundo (Mateo 26: 26 y Mateo 28: 20). E sanger tambe mester ta presente pasobra sin sanger no tin pordon di pica.

(Hebr. 9:15-22 y Apoc. 7: 13-14).

Pesey ta necesario pa nos ricibi Sta. Comunión y pa medio di e mannan di e

sacerdote hisa e copa di bendición y ofrece na Dios como gradicimento (1 Pedro 2:5).

E presencia di Hesus den e santísimo sacramento ta menciona den Mateo 24: 28. E curpa rondona pa agilanan ta e Corpus Christi rondona pa sacer-

dotenan y fielnan. Apocalipsis ta menciona tambe como e lamchi para ariba cero di Sion. Ta den e Sacramento di Eucaristia Hesus ta e lamchi sacrifica y cu e ta riba e ceru ta indica cu e sacramento ta den plena bista di tur hende.

Aki tambe e ta rondona pa sacerdotenan di tur siglo: "Esakinan ta esnan cu no a mancha nan mes cu mumernan, ta birgen nan ta". (Apoc. 14:1-5). Un cristian.

Nombracion

Algun dia pasa mi por a lesa cu Gobierno a tuma den servicio un onderinspecteur di Polis retira pa traha como hefe di seguridad di nos Gobernador. Hecho di nombra un persona como hefe di seguridad no tin nada straño cune. Loke si ta strañami ta, awor cu Gobierno ta pensa di manda tur hende ariba 55 aña cas, ta core tuma un di mas cu 55 aña den servicio.

Straño tambe cu Gobierno ta tuma un onderinspecteur den servicio teniendo un hoofdinspec-

teur ex comisaris ta cana rond sin ningun trabao pa haci pero cobrando hopi bon salario.

Den nos actual estado economico, mi ta di opinion cu lo ta mihor pone e empleadonan publico cu no ta haci nada traha pa nan salario y no tuma hende pensión di Gobierno mes of otro empresa pa tambe bin cobra sin traha of traha poco.

Esaki ta conta pa tur departamento tambe esnan di "Cache".

Ruffo T. de Cuba.